

佛說諸佛經

宋西天三藏朝散大夫試鴻臚卿傳法大師施護奉詔譯

如是我聞一時佛在王舍城鷲峯山中時尊者大目犍連食時欲至著衣持鉢將詣王城忽作是念我於今日先往色究竟天問少因緣却來乞食於是尊者大目犍連入三摩地等引譬如力士屈伸臂頃到色究竟天既至彼已與天相見以種種軟語互相問訊時尊者大目犍連乃問天言經於何時有佛世尊出現於世證無上菩提於是有百色究竟天主同聲答言滿百千劫有佛出世證無上菩提爾時尊者大目犍連聞已信受即入三摩地譬如力士屈伸臂頃從色究竟天還到王城即如常日次第乞食食畢澡漱收衣鉢已往詣佛所即以頭面禮佛雙足修敬畢已在

一面坐合掌瞻仰而白佛言世尊我於今日食時欲至入三摩地往色究竟天問彼天人經於何時有佛出世證無上菩提彼百天主同聲告我滿百千劫有佛出世證無上菩提世尊我雖信受是事云何唯願世尊爲我開說爾時世尊告大目犍連汝今諦聽當爲汝說大目犍連彼色究竟天主知見甚少乃謂汝言滿百千劫有佛出世證無上菩提此非正言未可深信大目犍連我念往昔最初值遇六十俱胝諸佛如來出現於世而彼諸佛住世利生或久或近各各隨緣次第入滅如是相繼復有八十俱胝佛出現於世同名妙華我於是時一一佛前發大誓願及持梵行於此佛後復有五百佛出現於世同名正梵於此佛後復有八百佛出現於世同名然燈

於此佛後復有一萬五千佛同名皆麼沒出  
現於世於此佛後復有一千佛出現於世名  
號族姓名名不同我於如是佛前復發誓願  
修持梵行於此佛後復有六千佛出現於世  
同名蘇鉢囉名波於此佛後復有九萬佛出  
現於世同名妙迦葉於此佛後復有一千佛  
出現於世同名爲日於此佛後復有一千佛  
出現於世同名深沒陂野於此佛後復有八  
萬佛出現於世同名瞿羅嚩帝於此佛後復  
有七萬佛出現於世同名帝釋於此佛後復  
有一佛名德出現於世我於此佛與諸聲聞  
弟子同發誓願恭敬供養經于多歲於此佛  
後復有八十俱胝那由他辟支佛出現於世  
大目犍連彼辟支佛在於我前發大誓願及  
有轉輪聖王名曰徧照亦於我前先得值遇

四十同名無能勝佛大目犍連我於德佛滅  
後值遇一佛亦名無能勝於此佛世我爲轉  
輪聖王名爲百號與無能勝佛聲聞弟子同  
發誓願恭敬供養經歷多年佛入滅後我以  
七寶建塔供養舍利如是修行經無量持大  
目犍連我於是時得證菩提復次大目犍連  
彼色究竟天少知少見無能勝佛滅度之後  
復有一佛出現於世名曰持世後復有佛出  
現於世名曰持地後復有佛名大能仁出現  
於世後復有佛名曰妙現出興於世後復有  
佛名曰師子出現於世後復有佛名最上希  
有出現於世後復有佛名斷一切憂出現於  
世後復有佛名一切義成就出現於世後復  
有佛名曰得勝出現於世後復有佛名曰寶  
光出現於世後復有佛名曰意稱出現於世

後復有佛名烏波底室羅出現於世後復有  
佛名底室嚕出現於世後復有佛名曰圓光  
出現於世後復有佛名爲月光出現於世後  
復有佛名曰天光出現於世後復有佛名阿  
提部出現於世後復有佛名阿提野輸出現  
於世後復有佛名無滅通出現於世後復有  
佛名曰最勝出現於世後復有佛名底室嚕  
多嚕出現於世後復有佛名曰上華出現於  
世後復有佛名阿哩瑟吒出現於世後復有  
佛名阿提部出現於世後復有佛名曰然燈  
出現於世後復有佛名曰降寃出現於世後  
復有佛名曰金曜出現於世後復有佛名曰  
金光出現於世後復有佛名曰寶眼出現於  
世後復有佛名蓮華眼出現於世後復有佛  
名最上蓮華出現於世後復有佛名大蓮華

出現於世後復有佛名曰蓮華出現於世後  
復有佛名毗婆尸出現於世後復有佛名曰  
尸棄出現於世後復有佛名毗舍浮出現於  
世後復有佛名拘留孫出現於世後復有佛  
名俱那含牟尼出現於世後復有佛名曰迦  
葉出現於世應二今我釋迦牟尼出現於世大目  
犍連我先發誓願於如是等諸佛以七寶華  
而散供養已然後方成正等正覺大目犍連  
彼一一佛從初發心乃至成等正覺皆是經  
歷無數之劫我從發心至今成佛劫數甚多  
不可算計彼色究竟天少知少見汝勿生疑  
爾時世尊說是經已大目犍連疑心即除歡  
喜踊躍禮佛而退

佛說諸佛經